

民國五年重修

淮陽縣志

卷首 圖經

卷一

地輿志上

星野

沿革

表附疆域村保集鎮附山水

碑口附

卷二

地輿志下

古蹟 冢墓附風土

卷三

籍賦志

戶口

丁地

征解

留支

蠲緩

雜稅

鹽引

卷四

建置志

城池

宮署

壇廟

坊表

橋梁

卷五

學校志

學宮 勸學所

學署 學校

學額

學田

書院

義塾

卷六

經政志

秩祀

禮儀

兵防

郵政

倉儲

郵政

卷七

職官表

名宦傳

卷八

選舉表

辟舉 文武例仕

文武科目 封贈

貢生 世襲

學校畢業 恩廕

卷九

人物傳上

先賢

鄉賢

先正

文仕蹟

武仕蹟

卷十

人物傳上

孝友 忠烈

卷十一

人物傳上

義行

卷十二

人物傳上

文學 隱逸

卷十三

人物傳上

方技 耆壽

流寓

目錄

卷十四

人物傳下

列女 后妃

節婦

卷十五

人物傳下

列女 節婦

卷十六

人物傳下

列女 烈婦

孝婦

淑媛

貞女

烈女

孝女

卷十七

藝文志上

著述 金石

卷十八

藝文志下

輯類文

詔勅
祭文

表疏
誌銘

碑記

論辨序引

卷十九

藝文志下

輯類詩

賦頌
古樂府

古詩
歌詞

五七古

五七律

五七絕

卷二十

雜志上

災異

兵事

雜志下

方外

寺觀

志餘

淮陽縣志卷十一

傳

人物上

義行

元

趙祐字天錫父某官把總元制每歲統兵官將兵哨江南北一日
哨馬南歸某睹一羃囚兩足凍垂墮呻吟馬足間問爲誰曰我
南宋官人廬州通判胡某春秋登科某曰能如此則能教學囚
曰豈有秀才而不能教學者乎某請于統兵官用兩馬易得之
浣濯包裹復溫糜以酒漿幾絕而蘇兩足已墮延致家以教祐
輩是時淮以北舉不知有全書胡通判以所記憶授諸生更六
年而祖葬屋後臨歿謝祐之家曰我分死六年前矣重爲汝家
所延汝後必有以斯文顯者祐辟掾于吳官浙江行省照磨

至財賦總管嘗因公委至吳以其舊辟掾處也因訪隣友戒其僕曰汝至人家須鞠躬屏氣溫溫而語有問汝但曰前掾趙天錫慎母曰趙總管生子期頤字子期登泰定丁卯科歷官河南行省叅知政事祐暨某皆封二品卒如胡某言

明

宋朝銀字鎮溪布衣而俠排難解紛歲饑捐三百金濟困存活甚衆有李氏鬻女六金泣不忍別朝銀出金贖歸之今入祠

張正學字道夫性醇雅幼聞父訓卽領大義垂髫受易于劉生萬厯己卯舉於鄉父歿事母唯謹弟與婦卒撫其孤加厚劉生老且貧爲之生養死葬仍厚恤其子晚年杜門課子有肆憑凌者率以情遣人稱長者年七十卒

葛永翰粟千石濟飢詔旌入祠

王易元庠生淡泊直方學行重一時學者稱葵室先生歲饑隣人
李悅李樂盜粟米被獲憐而釋之仍給數斗以濟其貧崇禎壬
午夢一戟士逐追避于關帝廟見壁書云月波月波可悅可樂
三四之朝急如其約後數日闖賊陷城遂潛逃月波寺頃被執
賊欲加刃值李悅在代爲告免賊怒未息李樂繼至同聲求免
遂得脫子若視以副榜任甯鄉知縣

清

丁琮字協公太學生考授州同明季流寇破陳琮甫九齡母歿于
亂琮悲泣終身奉父及繼母以孝聞待親族故舊有恩辨穀臺
祠圯倡衆新之文廟左捐基地一段廟前植柏修關津道路設
義塚葬孤貧與人交終始如一晚年好採錄名人詩文年八十
餘猶午夜讀易所著有尙志堂集

徐時魁字敬嵩指揮時準弟有膽力善騎射闖賊後土寇迭亂時魁率衆驅逐遇監生賈克壯尙幼李僕負之逃竄時魁攜家中保全之後妻以女堂姪庠生徐秉巽困於賊亦被救出今二族子孫熾盛皆時魁力年八十九學憲陳旌其門

武澄清白如玉胡守謙皆州鄉約明季闖賊破陳衙舍盡毀城無居民澄清糾鄉人補葺城垣聚十字街宣講訓諭如玉率衆修理衙署城中無貿易守謙會鄉羅賣治生民各安業

宋聚五庠生性剛直有張姓恃道差橫鄉里聚五訴諸巡案立除其惡堂兄起傳蕩產盡爲購田四頃宅數楹居之同姓宋蘇之父貧負蘇來投卽爲收養蘇長給宅爲成室善書得顏歐體卒年七十三子之范字蜀公庠生好詩工書嫡母王氏卒值兵燹葬猶以禮繼嫡母庶母無子事如生母遇義勇爲不惜貲財常

考訂本草綱目手鈔成部施藥濟人活者甚衆范子二長郡儒
早卒次游儒字定夫承胞叔之韓嗣撫兄遺孤成立時生母傅
氏繼嫡母呂陳二氏嫂郭氏皆權厝生父及胞兄俱塗殞游儒
隻身經營擇期同窆焉母病侍湯藥不離側歿喪葬如禮善持
家各有專司歲立義塾多所成就子姪率列成均入庠序

賈希灝州人明季亂後合族離散僅存堂姪克壯及堂妹希灝撫
育婚嫁之又修路施茶康熙時州牧張舉爲介賓

朱邦秀字文字簡厚不議人短延師課子先德行後文藝濟貧周
急不可枚舉歿後數十年有老叟踵門償逋子孫不知爲誰亦
不受也以子晷贈奉直大夫

徐秉鉞明季兵亂糾衆保鄉村撫養親族之孤立者好修橋梁道
路知州張詰旌之舉爲介賓

孫可玉州人順治間堤決水溢自禱龍王廟水落捐金修廟又建戴集橋修路十餘里妻王亦好施常典簪珥濟貧乏子式字亦菴歲貢生克承親志族弟應龍幼孤無依招同居爲完婚與田百畝焚隣里借券三百餘金爲交深峻奧博試輒冠軍學淹貫尤邃春秋書工鍾王法著有六息齋詩草以子常贈奉政大夫李學習幼曉子職稍長侍親疾衣不解帶歷四十晝夜親沒泣血三年未嘗見齒遺產悉讓弟學倫又捐金爲貧鄰趙太馬秀娶婚今兩姓子孫繁盛順治壬辰大疫遇無棺者悉葬之知州高匾曰慈德補天康熙十四年代納隣人張璠韓永成等逋賦知州錢旌曰尙義可嘉

張中奇附監生性孝友母金氏病危竭誠祈天願減算益母壽病竟痊從叔化行極貧中奇養葬俾無失所族姪民秀老而鰥收

養終其身焚王子貴券施徐可金地設家塾助寺田善行不忘
年七十三卒

蘇應元字仁寰淮邑舊族慨慷重氣節弱冠闖寇屠陳艱辛流離
無間色養後旋里敦子職尙義周急扶危康熙己丑歲歉捐貲
給粥值大疫施醫藥多全活陳故病淮鹽應元協力白上憲除
之出數百金修太昊陵圍城舉鄉飲大賓以子名俊封奉政大
夫名俊字翌皇警敏有膽識遇事敢言接物和而有禮早食餽
以急公候補同知陳民久有里長累俊白州牧申憲改爲滾單
邑人感之

高驊字雲驤歲貢生鄉賢維嶽仲子父卒於官事母竭盡孝養嫂
李氏守志驊爲請旌與弟驥同心爲善怡怡無間族叔允迪易
簪時以七歲子有龍托於驊密授十餘金驊撫孤歷二十餘年

積至一百七十餘金爲有龍援例入太學餘貲盡付告以故有龍母子感泣乾隆七年有龍上其事中丞以下各旌其門他如助山西焦姓江南張姓棺濟邑人王三祝等粟捨葯材設義塾修學宮建書院捐義倉振荒歉善行日積年八十二卒邑人傷之子文柱候選州同次子文樸貢生

朱作哲字睿公康熙戊午副榜任肱城澠池教諭事親孝兄弟分產惟取其薄姨母石氏家貧養葬終其身在肱城歲饑載粟以周貧生澠池設教多所成就士林懷之

吳居敬字存一孝友好義父年高每事稟而後行持父喪三年不飲酒茹葷弟行敬早歿二子幼撫孤成立各授室康熙四十八年饑佃民積欠累數十金概不責償收養貧民杜文學二十餘年代蓄其貲令治產又爲買地十四畝貲元少孤育之爲成婚

給衣食元夫婦歿施地瘞之乾隆二年選耆老鄉黨舉其行詔
賜清白良民四字絹一疋綿數斤白金三兩給八品頂帶邑令
程旌曰耆年碩德年九十七卒長子必遴善承父志遇貧孤李
成收養數年爲娶妻李生二子以地四畝宅一處與之其他義
行多類此

傅大用字體修明殉難指揮鴻勳孫生有至性幼授章句卽詢聖
賢所爲師深奇之及長志節凜然以其祖鴻勳明季殉難誓不
仕清嘗曰吾先世累代襲職受恩深重甯復知有他耶絕志進
取終身不問仕宦途家居俸親色養備至昆玉四人一庭友恭
門內外交稱平居勇於作善贍貧恤穉扶危振荒助婚賻葬皆
應爲之鄉黨僉以長者稱焉子四璉珩璜珣補

雷紹宗字嗣美貢生事親人無間言十七入庠父命與萬如洛祁

庭儀諸人結社讀書母病遂留心岐黃設藥室施劑不受值強
委之即留以濟貧積二十四年藥資費數千金年七十里人欲
製錦稱慶固辭卒後有吏部郎山東馬祺遣僕持書餽人葠二
斤珠百顆云十八年前過此患疾將斃賴治而愈特申謝子方
震姪方曉具書却還方震等庠生孫援貢采章等接踵有聲咸
均譽序間

孟鴻儒字魯逸周歲而孤母劉礪節苦守撫孤備至稍長能力學
文有奇氣十六補州庠甫授室母卒哀毀骨立服闋援例貢上
雍以縣左需次輕財重義邑有大災傳大興作輒出粟捐金遇
貧者尺布斗粟無不贍自憾不獲顯親延師教子躬勤督課年
六十五卒時次子調任山東鄒平知縣

靳士英字青子庠生性醇謹好施予姪曰曾家貧英教養若已出

慶曆四十八年大祿有貧商饑將斃給粟十餘石黃嘉欠債百餘金不責償隣里典地不能贖焚券歸之施義塚數畝以瘞遺骸里人稱德

竇興傑字蘭秀太學生善家政初有千畝產積至十倍兄弟繼歿諸姪在襁褓分爨無一私數年所蓄二千餘金亦出入公山左大饑流離塞道開倉施振活數千人本州荒施粟煮粥活者數萬親族貧不婚葬咸爲資助施棺捨藥稱貸者概不受券縣令顧題其門曰天道祐之

高九成字魁明年十二生母歿哀毀骨立事父暨嫡母恭謹歿後廬墓側負土起墳遇母難辰終日不食族子洪仁幼失母撫養至成立復昇百金聽其謀生歲大祿隣里告貸出二百餘金糧五十餘石明年具筵邀至悉取券焚之又修搬督口橋建城隍